




Le ncwadi ingoMmantsae Moche Diale,
oyinzululwazi eMzantsi Afrika.

Mmantsae uyiNzululwazi efunda ngamandla
elanga, neendlela abanokuwasebeniza ngazo
abantu.



"Bafundi, ndifuna ukunixeleta ngeSazinzulu esibalulekileyo saseMzantsi Afrika," watsho utitshala uMpilo.

"Lo mntu waqala ubomi bakhe kwilali encinci eseLimpopo, waza waba sisazinzulu seFiziksi esiphume izandla."

Wongeza ngelitshoyo utitshala.

"IFiziksi luhlobo Iwenzululwazi olungenkqunto namandla ombane."



Utitshala waqhubeka, "Iqhawekazi lethu namhlanje
nguMmantsae Moche Diale."

"Wazalelwa kwilali iGa-Masemola eLimpopo. Wafunda
eSekobetlane Maphutha."

"Kwakukho iipali ezinde zombane ezazigqitha kwilali
awayehlala kuyo. Kodwa ilali yakhe yayingenawo umbane."



“Esakhula wayenomdla wokwazi indlela ekufunyanwa ngayo umbane.

Wayekholelwa ekubeni wonke umntu kufanele abe nawo umbane ofezekisa iimfuno zakhe.”

Utitshala wanqumama ngebali lakhe, waza wabuza,
“Ningandixeleta imvelaphi yamandla ombane?”



"Amalahle sisixhobo esibalulekileyo. Sitshisa amalahle ukuze senze umbane," watsho uNhlavu.

"Ewe, kodwa umhlaba uyaphelewa ngamalahle neminye imithombo yombane engahlaziyeziyo," waphendula uitshala.

"Ilanga nomoya ngamandla ahlaziyekayo," wongezelela uSiphe, waza notitshala wanqwala.



Utitshala waqhubekeka nebali lakhe, "UMmantseae
owayeselula wayesazi ukuba ufunu ukufumana indlela
yokuba wonke umntu afumane umbane onexabiso
eliphantsi noocoekileyo, kwezi zixhobo zombane
zihlaziyekayo."

"Wafunda iMathematika neNzululwazi yezeNdalo
esikolweni, kwaye wayeyithanda iFiziksi. Wayezazi ukuba
ufuna ukufunda iFiziksi eYunivesithi," watsho utitshala.



abantu babeqhele ukumbuza uMmantsaye, "Ucinga ukuba uza kwenza ntoni ngeFiziki? Ungawufumana umsebenzi?" Babengamkhuthazi tu.

"Wafumana isidanga seNzululwazi kwanesokufundisa, ukuze abe ngutitshalakazi ofundisa ezeNzululwazi. Wayekwanomdla wokufunda ngemithombo yombane ehlaziyekayo," watsho utitshala.



USiphe wabuza, "Yayingoobani izibonelo zikaMmantsae ngoko?"

"Owu, babembalwa kakhulu abasetyhini ababesebenza kwicandelo leFiziksi, ingakumbi abasetyhini abamnyama," waphendula utitshala.

"UMmantsae wayesebenza neezazinzulu ezingamadoda. Zazingekho izibonelo ezingabasetyhini ngelo xesha."



"Emva kweminyaka emininzi yokufunda, uMmantsae waba
nguNjingalwazi wezeNzululwazi. Ngoku ufundisa kwaye
wenza uphando Iwakhe eYunivesithi," utitshala uMpilo
watsho exelela abafundi.

"Usisibonelo kulutsha olubhinqileyo kwezeNzululwazi,
ingakumbi iFiziksi."

"Wenza uphando olubalulekileyo," watsho utitshala.



Utitshala wachaza, "Uphando lwakhe lungokufumanisa iindlela zokubamba amandla elanga ngezixa ezikhulu."

"Amandla elanga agciniweyo angasetyenziselwa ukubonelela ngombane abantu abahlala ezilalini."

"Umbane welanga unexabiso eliphantsi kwaye uyahlaziyeka."



Utitshala wabuza, "Ningandixeleta ukuba sithetha ukuthini xa sithetha ngemithombo 'ehlaziyekayo nengahlaziyekiyo?"

"Umbane ohlaziyekayo ngulowo ungapheliyo, njengelanga," watsho uNtando.

"Umbane ongahlaziyekiyo uyaphela, njengamalahle, awuhlaziyeki," watsho uVusiwe.



Utitshala wagqibezela ngelithi, "UMmantse ukhokela iqela labaphandi abaphanda 'umbane oluhlaza ococekileyo' – ohlaziyekayo."

"Injongo yolu phando kukuvelisa iiseli zelanga ezinokutsala umbane omninzi elangeni, ziwigqithisele ebantwini."



Ngexesha abafundi beqoqosha, utitshala uMpilo wathi,
"Umnqweno kaNjingalwazi Diale kukubona ababhinqileyo
abaninzi befundela iFiziksi. Ndiyathemba ukuba
amantombazana amaninzi alapha aza kufunda
ezeNzululwazi neMathematika!"

"Namakhwenkwe ngokunjalo!" wancuma utitshala.



—Imibuzo

1. Yintoni eyayisenza uMmantsae abe nomdla embaneni?
2. Yintoni 'amandla esola'? Singawasebenzisela ntoni?
3. UNjingalwazi Diale uloluphi uhlobo lweSazinzulu? Lungantoni uphando lwakhe?
4. Ziintoni iingxaki awahlangabezana nazo uMmantsae xa wayezama ukufezekisa amaphupha akhe?
5. Chaza ukuba afumaneka njani amalahle.
6. Ucinga ukuba kutheni lento kubalulekileyo ukusebenzisa umbane ohlaziwayo?
7. Fumanisa ngabasetyhini abahlanu abantsundu abasebenza ngamandla ahlaziwayo.
8. Ngawaphi amazwe ali10 akwinqanaba eliphezulu ekusebenziseni amandla ahlaziwayo?



—Iincwadi ezikolu luhlu

- UAndile Mji
- UAsnath Mahapa
- UBongani Mayosi
- UCharlotte Maxeke
- UMmantsane Moche Diale
- UMulalo Doyoyo
- UTebello Nyokong
- UTshilidzi Marwala



Eli bali liqulunqwe laze labhalwa ngesiSwati,
njengenxalenyeprojekthi yezixhobo zokufunda
yeZenex Ulwazi Lwethu ka2020.